

Das II. Cap.

Wenn möchtest du fragen / wie ist es mög-
 lich / die Dinge also zu verbessern / sehen
 wir nicht / daß alle Samen ihres gleichen vor-
 bringen / etwan besser / etwan schlimmer? Wie
 solten wir durchs Feuer mehr clarificiren kön-
 nen / dann **G**ott durch die Sonne? Hierauff
 antworte / daß vnser clarificiren auff eine ande-
 re weise geschicht / dann wir nehmen die cor-
 pora, die **G**ott durch die Natur geclarificirt
 hat / vnnnd clarificiren die wider durchs Feuer
 vnd Wasser / wir machen sie klar wie Cristall /
 vnd reinigen sie von aller Vnreinigkeit / die die
 Natur darinn gelassen / vnnnd bringen sie in ge-
 stalt des Wassers / darinn die Natur der Er-
 den inwendig verborgen / in welche wir / wie ge-
 sagt / vnsera corpora säen / vnd durch das sau-
 bere Wasser reinigen / vnnnd machen eine Klar-
 heit der andern gleich / welches in der Natur nit
 geschicht / darumb bleiben alle Ding in der ge-
 stalt / wie sie **G**ott geschaffen / dann der Sa-
 men / der in die Erde gesäet wirdt / wirdt durch
 die Erde nicht clarificirt / aber die Erde wirdt
 clarificirt vom Feuer vnnnd Leben des Sa-
 mens / weil die Erde vnreiner ist dann der Sa-
 men / darumb bleibet der Samen allzeit in ei-
 nem